

Transkription von Urkunde HLM 1384b

Ort, Datierung: Helmstedt, 1384-12-14

Signatur: Stadtarchiv Helmstedt, Nr. 159 (164; 160)

Inhalt: Bertram von Esbeke: Verzichtserklärung für ein Grundstück

Jk bertram von esbeke de Eldere Bekenne openbare vor alle den de dussen breyf zyn edder horen / lesen dat ek mek hadde vnderwunden eyner haluen houde de be lighen ys oppe dem velde to lutteken / Neynstydde by Sommerstorp Jn der wyse dat ek wunde dat ek dar recht to hedde Nu ben ek des an ghe=/wyst myt breuen vn(de) von older kunschop dat her hillebrant von Ouesuelde Rytter dem god gnedych sy / vn(de) hillebrant syn sone de sūluen haluen hōue hebben vorkoft vn(de) ghenslyken vorlaten to vnser ley=/ven vruwen altare de belegghen ys in der parre to helmstede vn(de) gheue dat ouer dat ek dar neyn / recht to en hebbe vn(de) late de haluen houde ledych vn(de) los wedder an vnser vruwen altar also dat ek / vn(de) myne eruen schullen vn(de) wyllen dar nūmmermer op spreken vn(de) we eyn vormūnder ys des al=/tars schal der haluen houde rowelken bruken myt allem rechte dar en wyl ek vn(de) myne Erue(n) ene / dar nycht an hynderen Tūghe dusser dyng synt Her Bernt Perner to helmst(ede) Ghodeke von selche(n) / luder von enessem Borghere to helmst(ede) vn(de) vromer lude en noch To eyner bekanntnisse dusser dyng / hebbe ek myn Jngheseghel vor mek vn(de) vor myne eruen wytleken vn(de) myt ghudem wyllen ghe/henget laten an dussen breyf De ghe gheuen ys Na der bord goddes Dusent Jar dreihundert / Jar Jn deme veyr vn(de) achtenteghesten Jare Des mydwekens Na sunte lucien daghe der hylghe(n) ju(n)cv(ro)we(n)